

Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Namminersornerullutik Oqartussat nalunaarutaat

Umiarsualivimmiinnermut akileraarutit pillugit Inatsisartut inatsisaanni nr. 20, 30. oktober 1992-imeersumi § 12 aamma § 14, imm. 3 naapertorlugit makku aalajangersarneqarput:

§ 1. Umiarsuit akileraartussaataasut umiarsualivinnut ataani taaneqartunut nunalittut umiarsualivimmiinnermut akileraarutininik akiliisinneqartassapput:

- 1) Qaanaaq,
- 2) Upernavik,
- 3) Uummannaq,
- 4) Qeqertarsuaq,
- 5) Ilulissat,
- 6) Qasigiannuguit,
- 7) Aasiaat,
- 8) Kangaatsiaq,
- 9) Sisimiut,
- 10) Kangerlussuaq,
- 11) Maniitsoq,
- 12) Nuuk,
- 13) Paamiut,
- 14) Narsaq,
- 15) Narsarsuaq,
- 16) Qaqortoq,
- 17) Nanortalik,
- 18) Ammassalik aamma
- 19) Illoqqortoormiut.

§ 2. Umiarsuit aalajangersimasumik Kalaallit Nunaanniittut aammalu umiarsuartut annaassiniutitut kalittaatitut, siorartaatitut, ujaqqanik qalluisutut kiisalu aqqartartut umiarsuaattut aammalu prammitut sanaajusimasut, taamatullu ingerlatsisut umiarsualivimmiinnermut akileraarutininik akiliisussaataitaanngillat.

Imm. 2. Aammattaaq makkua umiarsualivimmiinnermut akileraarutininik akiliisussaataitaanngillat:

- 1) umiarsuit taamaallaat aalisakkanik aalisakkanilluunniit nioqqutissianik Danmarkimi, Savalimmiuni

nunaniluunniit allani pisiarineqarsimasunik Kalaallillu Nunaanni aalisakkanik tunisassiorfinni suliarineqartussanik usingiartut,

2) umiarsuit nunaqarfinnut isorliunerusunullu aalisakkanik aalisakkanillu nioqqutissianik tunisisartut, umiarsualiviit § 1-imi taaneqartut arlaannut nunalittut,

3) umiarsuit taamaallaat uuliamik uuliamillu nioqqutissianik assartuineramik ingerlataqartut.

§ 3. Umiarsualivimmiinnermut akileraarutit pillugit Inatsisartut inatsisaanni nr. 20, 30. oktober 1992-imeersumi pisussaaffiit pisinnaatitaaffillu Akileraartarnermi Pisorta qarfimmu inissinneqarsimasut umiarsualivimmi oqartussaasumit isumagineqassapput.

Imm. 2. Suliassalli imm. 1 naapertorlugu umiarsualivimmi oqartussaasumut suliassiissutigineqartut, Akileraartarnermi Pisorta qarfik akuersiseqqaarnagu, allanit isumagisassanngorlugit umiarsualivimmi oqartussaasoq piginnaatitsisinnaanngilaq.

Imm. 3. Una nalunaarut naapertorlugu umiarsualivimmi oqartussaasup aalajangiineri Akileraartarnermi Pisorta qarfimmu naammagittaalliutigineqarsinnaapput.

§ 4. Umiarsuup naalagaa, imaluunniit inuttaasoq alla akisussaassuseqartoq pisussaavoq umiarsuup aallannginnerani umiarsualivimmi oqartussaasup erseqqinnerusumik ilitersuineri naapertorlugu umiarsuup suunera, umiarsuup BRT/BT-ia, ullut unnuallu qassit umiarsualivimmiissimanersoq kiisalu akileraarutissat naatsorsorneqartut akuerineqarneri pillugit umiarsualivimmi oqartussaasumut nalunaaruteqarnissamut.

Imm. 2. Nalunaarutit imm. 1-imi pineqartup tunniunneqarnera ilutigalugu umiarsualivimmiinnermut akileraarutit akiligassanngorsimasut umiarsualivimmi oqartussaasumut akileneqassapput.

§ 5. Umiarsuit ingerlatsivimmit pigineqartut attartorneqarsimasulluunniit allatut akiliisarnissaq pillugu Akileraartarnermi Pisorta qarfimmik isumaqatigiissuteqarsimasut § 4-mi ilaatinneqanngillat.

§ 6. Nalunaarutit § 4, imm. 1 naapertorlugu qaammatip siuliani tunniunneqarsimasut assilineri umiarsualivimmi oqartussaasup Akileraartarnermi Pisorta qarfimmu nassitissavai, akileraarutillu qaammatip siuliani akileneqarsimasut kingusinnerpaamik qaammatip tulluuttup ulluisa 15-iani akilertassallugit.

Imm. 2. Ingerlatsiviit § 5-imi taaneqartut akileraarutit tamarmiusut qaammatikkaartumik naatsorsortassavaat naatsorsuuserifillu nassitissallugu kiisalu akileraarutissat naatsorsorneqartut akilertassallugit Akileraartarnermi Pisorta qarfimmu kingusinnerpaamik qaammatip tulluuttup ulluisa 15-iani.

§ 7. Qaammatisiutit malillugit ukiut naaneri tamaasa umiarsualivimmi oqartussaasup naatsorsuuserisuata Akileraartarnermi Pisorta qarfimmu nalunaarutigisassavaa, umiarsualivimmiinnermut akileraarutit pillugit Inatsisartut inatsisaanni nr. 20, 30. oktober 1992-imeersumi aalajangersakkat nalunaarummilu uani aalajangersakkat malillugit umiarsualivimmiinnermut akileraarutitut akiligassiisarnertit, akiliutit ingerlateqqiisarnertit allaffissornikkullu aquunneqarnerat suleriaasissatut pilersinneqarsimasut naapertorlugu suliarineqartarsimanersut.

§ 8. § 4-mik aamma § 6, imm. 2-mik unioqqutitsineq akiliisitsinermik pillarneqaatissiissutaasinnaavoq.

§ 9. Nalunaarut ullormi 15. marts 2003-mi atuutilissaaq.

Imm. 2. Tamatumunnga ilutigitillugu umiarsualivimmiinnermut akileraarutit pillugit nalunaarut nr. 28, 27. november 1997-imeersoq atorunnaarsinneqassaaq.

Namminersornerullutik Oqartussat, ulloq 7. marts 2003

Augusta Salling

/

Kaare Hagemann

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut